



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Ab Alexandro VII. Ad Clementem X.

**Luxemburgi, MDCCXLII.**

CLXI. Extensio, & communicatio Privilegiorum Fratrum Discalceatorum in  
Hispania Ordinis Sancti Francisci ad omnes Provincias Discalceatorum  
Indiarum.

---

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

§. 1. Dilecti pariter filii Fratres memoratæ Congregationis in eorum Dieta proximè celebrata congregata Taxam ducentorum scutorum monetæ super Conventibus ipsius Congregationis pro sustentatione, & manutentione d. Procuratoris Generalis imposuerunt in hunc modum, videlicet: ut Sancti Eustachii Bononien. viginti, de Mascarella itidem Bononien. quatuor, Sancti Hieronymi Ferrariorum. quindecim, S. Mariæ Magdalene Faventin. tria, Sanctissimæ Trinitatis Urbinaten. tria, S. Mariæ della Palomba Viterbien. tria, S. Joannini Florentin. quinque, S. Hieronymi Senen. quinque, S. Hieronymi Pistorien. septem, S. Hieronymi Lucan. viginti, S. Hieronymi Pisan. sex, S. Mariæ de Montenero super Liburnum quindecim, S. Mariæ de Sambuca quinque, S. Mariæ Gratiarum Aretin. tria, S. Hieronymi Mediolanen. viginti, S. Antonii Papien. quatuor, S. Petri Lauden. quatuor, S. Hieronymi Alexandrin. quatuor, S. Bartholomæi Placentin. quatuor, S. Benedicti Parmen. quatuor, S. Hilarii Cremonen. sex, S. Mariæ in Portu Mantuan. quatuor, S. Elisabethæ Venetiarum decem, Corporis Domini Brixien. quinque, S. Hieronymi Tarvisin. septem, S. Spiritus Paduan. quatuor, S. Bartholomæi in Monte Veronen. quatuor, & Sancti Hieronymi Vicentin. Conventus prædictæ Congregationis sex scuta monetæ quotannis respectivè præstare teneantur. Imposita Superioribus Conventuum hujusmodi, qui ratas dictæ Taxæ sese contingentes respectivè annis singulis per totum mensem Maium ad memoratum Conventum SS. Joannis, & Pauli de Urbe, non transfecerint, pœna suspensionis ab officio, ac à voce activa, & passiva in Dietis, & Capitulis generalibus dictæ Congregationis ipso facto incurrenda.

§. 2. Cum autem sicut eadem expositio subjungebat prædictus Superior Generalis præmissa pro firmiori illorum subsistentia Apostolica confirmationis nostræ robore communiri summopere desideret: Nos ipsum Superiorem Generalem specialibus favoribus & gratiis prosequi volentes, & à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine, quavis occasione, vel causa latis, si quibus quomodolibet innodatus existit, ad effectum præsentium dumtaxat consequen. harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati.

§. 3. Impositionem Taxæ prædictæ super Conventus dictæ Congregationis pro sustentatione memorati Procuratoris Generalis, ac pœnæ hujusmodi à prædicta Dieta factam, ut petitur, auctoritate Apostolica tenore præsentium confirmamus, & approbamus, illique inviolabilis Apostolica firmitatis robur adjicimus, ac omnes, & singulos juris, & facti defectus, si qui desuper quomodolibet intervenerint supplementis.

§. 4. Decernentes easdem præsentibus literas, firmas, validas, & efficaces existere, & fore, suoque plenarios, & integros effectus sortiri, & obtinere, ac ab illis, ad quos spectat, & pro tempore quomodolibet spectabit, inviolabiliter observari, & illis respectivè plenissimè suffragari; sicque in præmissis per quoscumque Judices ordinarios, & delegatos, etiam causarum Palatii Apostolici Auditores, judicari, & definiri debere, ac irritum, & inane si secus super his à quoquam quavis auctoritate scienter, vel ignoranter contigerit attentari.

§. 5. Non obstantibus Constitutionibus, & Ordinationibus Apostolicis, necnon quatenus opus sit d. Congregationis, ejusque Conventuum hujusmodi etiam juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque, indulgentiis, & litteris Apostolicis in contrarium præmissorum quomodolibet concessis, confirmatis,

& innovatis. Quibus omnibus, & singulis, illorum tenores præsentibus pro plenè, & sufficienter expressis, & insertis habentes, illis aliàs in suo robore permanens, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 6. Volumus autem, ut earumdem præsentium litterarum transumptis, seu exemplis etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem proflus fides adhibeatur ubique, quæ præsentibus adhiberetur, si forent exhibitæ, vel ostensæ.

Dat. Romæ apud S. Mariam Majorem sub Anulo Piscatoris, die 14. Septembris 1665. Pontificatus nostri Anno 11.

Transumptum fides.

Dat. P. An. 11. die 14. Sept.

Extensio, & communicatio Privilegiorum Fratrum Discalceatorum in Hispania Ordinis Sancti Francisci ad omnes Provincias Discalceatorum Indiarum.

CLXI.

Vide ad Const. 313. Urb. VIII. Cum sicut, & ad Const. 316. ejusdem.

ALEXANDER PAPA VII.

Edita An. D. 1665.

Ad futuram rei memoriam.

EXponi Nobis nuper fecerunt dilecti filii Fratres Provinciarum in Hispania, & Indiis consistentium Ordinis Fratrum Minorum S. Francisci Strictioris Observantiæ Reformatorum, seu Discalceatorum nuncupatorum, quod dudum fel. rec. Gregorius Papa XIII. prædecessor noster diversa privilegia Fratribus Reformatis Provinciarum Sancti Josephi, & Sancti Joannis Baptistæ in Hispania consistentium, strictioris Observantiæ hujusmodi concessit, quæ præsertim respectu Fratrum de Observantiâ à rec. mem. Clemente VIII. & Urbano VIII. Romanis Pontificibus prædecessoribus pariter nostris confirmata fuerunt.

Supplicatio.

§. 1. Cum autem sicut eadem expositio subjungebat Provinciæ Fratrum Reformatorum strictioris Observantiæ hujusmodi ad numerum duodenarium cum Divini cultus augmento crevisse de præsentibus reperiantur, dicti verò Exponentes privilegia prædicta omnibus Provinciis Reformatis supradictis suffragari debere à Nobis declarari summopere desiderant, Nobis propterea humiliter supplicari fecerunt, ut sibi in præmissis opportunè providere, & ut infra indulgere de benignitate Apostolica dignaremur.

§. 2. Nos igitur ipsos Exponentes specialibus favoribus, & gratiis prosequi volentes, & eorum singulares personas à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet innodatæ existunt, ad effectum præsentium dumtaxat consequendum, harum serie absolventes, & absolutas fore censentes, hujusmodi supplicationibus inclinati, de Venerabilium Fratrum nostrorum S. R. E. Cardinalium negotiis & consultationibus Episcoporum, & Regularium præpositorum, qui dilectum filium Procuratorem generalem Ordinis hujusmodi audierunt, & præcitata privilegia, eorumque confirmationes viderunt consilio, attentis narratis, privilegia memoratis Provinciis Sancti Josephi, & Sancti Joannis Baptistæ, ut præfertur, concessa, & confirmata, reliquis omnes Provincias Fratrum Reformatorum, seu Discalceatorum strictioris Observantiæ hujusmodi in Hispania, & Indiis consistentes comprehendere, eisque in omnibus & per omnia suffragari debere, auctoritate Apostolica tenore præsentium declaramus, salva tamen semper in præmissis auctoritate Congregationis eorundem Cardinalium.

Confirmat prout in rub.

Absolvit Oratorem à censuris.

Confirmat prout in rub.

Decretum irritans.

Contrariis derogat.

1665.  
Decretum  
irritans.

§. 3. Decernentes easdem presentes literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis ad quos spectat, & pro tempore quodcumque spectabit inviolabiliter observari; sique in præmissis per quoscumque Judices ordinarios, & Delegatos etiam Caesarum Palatii Apostolici Auditores judicari, & definiri debere, ac irritum, & inane si secus super his à quoquam quavis auctoritate scienter, vel ignoranter contigerit attentari.

§. 4. Non obstantibus præmissis, ac Constitutionibus, & ordinationibus Apostolicis, nec non quatenus opus sit dicti Ordinis etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & litteris Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plenè, & sufficienter expressis habentes, illis aliàs in suo robore permansuris, ad præmissorum effectum hac vice dumtaxat specialiter, & expressè derogamus, cæterisque contrariis quibuscumque.

Transumptio-  
rum fides.

§. 5. Volumus autem, ut earumdem præsentium litterarum transumptis seu exemplis etiam impressis, manu alienius Notarii publici subscriptis, & sigillo personæ in Ecclesiastica dignitate constitutæ munitis eadem prorsus fides adhiberetur in iudicio, & extra, quæ præsentibus ipsis adhiberetur, si forent exhibitæ vel ostensæ.

Dat. P. An. to.  
die 5. Nov.

Datum Romæ apud Sanctam Mariam Majorem sub Annulo Piscatoris, die 5. Novembris 1663. Pontificatus Nostri Anno undecimo.

CXLII.

Transactio inter Vicarium Generalem Bergomen. & Fratres Minimos Sancti Francisci de Paula pro receptione Conventus Beatæ Mariæ, omniumque Sanctorum de Galgario nuncupat.

Edita An. D.  
1665.

ALEXANDER EPISCOPUS,

*Servus Servorum Dei, Dilecto filio Vicario Venerabilis Fratris nostri Episcopi Bergomen. in spiritualibus Generali, salutem, & Apostolicam Benedictionem.*

Exordium.

**I**n supremo Apostolicæ dignitatis culmine, meritis licet imparibus constituti, ad ea, per quæ Domorum Regularium, necnon Religiosorum in eis degentium piis exercitiis vacantium spirituali consolationi opportunè consulatur libenter intendimus, & ut illa, quæ propterea providè facta fuisse dicuntur, firma, & illibata persistant, libenter, cum à Nobis petitur, Apostolico munimine roborari, & aliàs desuper disponi mandamus, prout conspiciamus in Domino salubriter expedire.

§. 1. Exhibita si quidem Nobis nuper pro parte dilectorum filiorum Francisci Tassis, moderni Præpositi Præposituræ Sanctorum Simonis, & Judæ Bergomen. & Fratrum Ordinis Sancti Francisci de Paula Minimorum nuncupat. Bergomen. & pro eis Correctoris Provincialis Prov. Venetæ Ordinis prædicti petitio continebat, quod alias, seu nuper dictus Franciscus providè confiderans Fratres prædictos in Civitate Bergomen. propria habitatione carere, cupiensque interim, ut per ea quæ ipsi Fratres in prædicta Civitate jam à viginti circiter annis quibus ibidem commorantur, feliciter jecerunt salutarium operum fundamenta, Religionis zelus per amplius propagetur, cultusque divinus majora in dies suscipiat incrementa, pro singulari ipsius in dictum Ordinem devotionis affectu, præfatis Fratribus, & pro eis dicto Correctori usum Ecclesiæ, & Conventus

Beatæ Mariæ, omniumque Sanctorum de Galgario nuncupat. prope, & extra muros Civitatis Bergomen. cum duobus terræ petiolis arativis dicto Conventui contiguus versus dictam Civitatem ad flumen Muria similiter nuncupatum, juxta sua notissima latera sitis, quæ cum sint intra septa dicti Conventus locari non possunt, una cum Ponte, & pinnaculo vulgo Logetta, super d. flumine respectivè positus, capacitatis quoad terræ petiola hujusmodi ad mensuram Romanam unius petii circiter, olim Ordinis Fratrum Humiliatorum, etiam nuncupatorum, nunc verò secundo dicto Ordine, omnique statu, & essentia regularibus in eo Apostolica auctoritate perpetuò suppressis, & extinctis, Præposituræ prædictæ, quam dictus Franciscus ad præsens obtinet, eadem auctoritate etiam perpetuò unitis.

§. 2. In reliquis tamen Præposituræ prædictæ juribus in omnibus, & per omnia, & præsertim quoad officinam, pulverariam, ac domos, & pratellum illis adjacentia, quæ Præposituræ prædictæ, & Præposito pro tempore existentis libera sint, & esse semper debeant, salvis, & illæsis remanentibus cum infrascriptis, videlicet, quod ipsi Fratres prædicto Francisco, & dicto Præposito pro tempore existentis quolibet anno in die Festo Purificationis Beatæ Mariæ Virginis in recognitionem unam candelam Ceræ albæ ponderis trium librarum cum ipsius, & Præpositi pro tempore existentium necnon eorumdem Fratrum Religionis armis, seu insigniis dare, armaque sua insignia ejusdem Præpositi pro tempore existentis super porta majori dictæ Ecclesiæ exponere, ac duas quotidie quoad assistentiam tantum, necnon cum una cantata, ac officio similiter cantato, viginti quatuor Missas submissa voce recitandas, & pro suffragio animabus Præpositorum prædefunctorum applicandas prima die non impedita à die Commemorationis omnium fidelium defunctorum, præmonito tamen prius super his eodem Præposito, sive ejus deputato, cui nota in scriptis per singulos Sacerdotes, qui prædictas Missas celebraverint, ac per Superiorem, & Sacristarium Conventus dictæ Ecclesiæ respectivè subscripta, & subsignata tradi, & consignari debeat in eadem Ecclesia quolibet anno celebrare, seu celebrari facere.

§. 3. Ac demum onera Missarum, & Officii celebrationis hujusmodi in tabella obligationum in Sacristia asservari, & teneri consueta describere, & annotare teneantur, & obligati existant, reservato interea cuilibet Præposito pro tempore existentis, jure proprietatis, & directi domini, tam quoad dictam Ecclesiam, quam Conventum, & terræ petiola supradicta, retentisque sibi, & de illius familia tantum futuris primodictæ Ecclesiæ præpositis pro sua, & illorum, ac cujuslibet illorum propria, & libera habitatione atria minori inferius ad portam, & propè portam dicti Conventus, ac una eidem atrio contigua cum scalis, necnon duabus aliis superius per eundem Præpositum, seu illius sumptibus, & expensis in dicto Conventu fabricatis, & extructis Cameris cum libero ingressu, & regressu Portæ ejusdem Conventus, necnon accessu, & recessu superius, & inferius ad hortum, & dormitorium, ac alias cum alijs pactis, & conditionibus licitis tamen, & honestis sub nostro, & Sedis Apostolicæ beneplacito infra certum tunc expressum, & jam forsitan elapsum tempus, impetrandò, in perpetuum concessit, prout in publico Instrumento, aliisque desuper forsitan confectis scripturis plenius dicitur contineri.

§. 4. Cum autem sicut eadem petitio subjungebat, ea, quæ à Sede prædicta approbantur, & confirmantur firmissis, & validius subsistant, ac melius ab omnibus observentur; quare pro parte Francisci, & Fratrum, ac pro eis Correctoris præ-

dictorum